

FIESTA DI CARNAVAL A CABA.....Y AWOR?

Camaval ta tras di lomba, y Aruba a goza un di su mihor camavalnan di historia y na mes momento un di e carnavalesnan di mas bunita y luhoso. Esaki sinembargo no ta significa cu problemanan di Carnaval a wordo solucionado, pasobra tur problema casi di prome cu dia 6 di januari a keda casi mescos.

PRINS Y PANTO DI CARNAVAL

Ban tira un bista riba Eleccion di Prins y Panto". E aña aki atrobe e no tabata organiza. Ta mes sistema slordig di tur aña a sigui. No tabata tin ningun promocion ni estimulacion pa e participacion y na final a haya un man yen di participante pa un actividad cu mester tabata tin por lo menos 10 pareha participante bon prepara pa competi. Eleccion di Prins y Panto (Prince of Princes) tabata absolutamente nada di locual e mester tabata.

ELECCIONNAN DI REINA

Si tira bista riba Eleccionnan di Reina di Carnaval" por bisa cu e actividadnan aki ta keda fuente di entrada pa SAC y mientras cu e placa ta dreña, parce cu no ta preocupa cabez cu stipulacion di reglamentonan. Un aña e reglamento por ta A y otro aña e reglamento por ta B y mientras cu por yena e lugar di eleccion cu publico, no ta kibra cabez cu nada mas pa mehoracion. Si otro aña Club Guadiriquire presenta un reina pa e eleccion y dicidi di baha e reina cu parachute den Entertainment Center y e reina presenta riba stage cu 100 persona mey ora largo, no tin reglamento pa para esey. SAC lo para grita cu tur cos tin reglamento pero nunca ta presenta esaki pa publico sa kico ta kico den reglamento di actividadnan (pasobra NO TIN).

Si tin mes ta algun frase riba un papel cu no ta cuadra cu e realidad cu ta tuma lugar tur aña. Un ehemplo ta asunto di reina comercial. Antes por a mira reinanan comercial eligi. Despues esaki a cambia pa distritonan y clubnan. Ora cu hotelnan kier a cay

aden a para bira cu e "entidad comercial" no ta permiti pa participa cu reina, pero si ora cu nan tin un club. Hotelnan a cuminsa forma Hotel Indian Social Club, Hotel Indian Employees Club etc. mayoria ficticio, pa por a manda reina. Ave diripiente ta weita reina comercial den eleccion y e pregunta ta: "Kico ta criterio nan anto pa por manda reina pa eleccion di Reina di carnaval?". NO TIN y si tin awe ta cos traha den pura pa bisa cu tin, of frasenan cu no ta cuadra cu realidad mas.

JUMP UP

MOMO 94 a mira importancia di jump upnan y nan resucitacion e aña aki. Ta bira tempo pa cuminsa organiza y coordina e jumpupnan y cera acuerdonan cu gruponan musical di Mobil Disconan for di awor y no warda te November of December. Coordina Jump Up nan den barrionan, cu tur hende por sa fecha y bandanan (of Mobil Disconan) cu ta participa, programa nan di acuerdo cu fuerza policial pa barri of distritonan y stipula ora EX-ACTO di cuminsa, y lugar di cuminsa, ruta y final.

JOUVERT MORNING

E aña aki Jouvert Morning tabata esun mas anima cu nunca. E actividad di JU.BU. dilanti Las Vegas y e actividad di Temples of Coastal a yuda hopi pa crea ambiente. For di awor lo ta bon pa logra acuerdo cu bandanan musical pa Jouvert Morning di carnaval 41 pa ta asegura di cierto cantidad di banda, brassband, steelband y Mobil Disco, y pa e cantidad no cay y baha tambe e exito di e actividad aki. Sigur ta cu Jouvert lo keda bira mas y mas grandi y mirando e cantidad di turistanan riba caya den madrugada, no por permiti e actividad (turistico aki di carnaval) baha di nivel mas.

CALYPSO Y TUMBA

E problema di SAC - ASOMA no a termina y Momo 94 den su punto 10 a cuminsa tira palo den candela caba caminda ta sugeri pa directiva di SAC yama ASOMA na mesa pa CON-VENCE nan cu CAR-

NAVAL TA DI PUEBLO (kizas kiermeen aki SAC) y cu tur actividad di camaval TA PERTENECE NA PUEBLO (kizas kiermeen aki SAC). SAC sa masha bon cu esey no ta e problema SAC-ASOMA. E problema ta hopi mas grandi y serio y cu otro motibonan. A logra caba cu steelbandnan, a caba cu interes di brassbandnan pa actividadnan, (mayoria a kibra pa falta di aprecio pa nan, falta di cooperacion, pa terquedad etc.) y actualmente problema cu bandanan musical tin (corda con na Còrsow Camaval a bay den coma hopi aña pa e mes problema aki). Asunto di organiza concursionan di Calypso, roadmarch y tumba di camaval mester wordo solucionado AWOR, no mañan y no otro aña. Organizacion di e actividadnan aki di otro aña mester cuminsa awor hunto cu e preparacionnan. Calypso & Roadmarch King of kings a cay na awa, no pasobra di e problema SAC-ASOMA, pero pasobra e no a wordo prepara pa wordo organizá.

Mescos ta conta cu Tumba King of Kings. Brsband Asambeho Jambo-ree a cay na awa, pasobra e no a wordo organiza ni prepara.

MEDIONAN DI COMUNICACION

Si lesa testament di Momo 94 por ripara cu e aña aki MOMO 94 no a gradici programanan di radio cu ta dedica na camaval ni e columnanan di camaval den corantnan, pero en general a tira un gradecimento na tur medio di comunicacion y radionan. Desde problema di SAC-ASOMA por a tende caba rumornan di cu "lo no coopera cu medionan di comunicacion mas etc." y MOMO a confirma esey generalisando su gratitud. MOMO 94 no kier a gradici esnan cu tabata critica cu VERDADNAN y trece cosnan dilanti MANERA NAN TA y no manera MOMO 94 tabata kier pa nan worde pasa.

PREMIACIONNAN

E aña aki por a ripara cu asunto di premiacionnan



tabata cu dolor atrobe. Te cu awe a tende di premionan gana un y dos aña pasa cu nunca a ser duna. SAC a dicidi cu no ta tene e actividad di entrega di premio mas y cu tur razon, pasobra mayoria di ganador o ta presenta. E motibo tras di esaki no ta ser menciona. Esta pakico nan no ta presenta pa busca premio (y kico sorto di premio). Verdad ta cu antes ta bo pida carton, bo cinta of certificado bo tabata ricibi. Pero tempo a cambia. Millones ta ser gasta na disfraznan y tur locual tin di haber cu gruponan, musica inclui. Nan kier mira algo pa yuda cubri nan gastonan. Si tene cuenta cu mayornan di un prins y panto infantil y juvenil so tin un gasto minimo di 500 florin y maximo di 2000 florin pa e yiu por cumpli como prins of panto, y cu nada e premio ta cumpli cu un satisfaccion pa nan.

Premio pa rey di calypso, roadmarch y tumba te ainda no ta satisfactoria aunke ASOMA su intencion ta pa trece un mehoracion. Emisoranan ta existi e cancionnan graba di nivel. Esey ta gsto di centenares di florin pa e ganador y su grupo. Nada di locual ta tende na emisoranan di cancionnan di camaval local no a sali di SAC ni cu contribucion di SAC.

PREMIACION 2

Tur grupo di camaval por bisa: "Nos ta participa pa pueblo. Nos no ta interesa

den premio. Nos esaki nos esaya". Esey ta tende via medionan di comunicacion, pero pafu di medionan por tende si di e gastonan enorme cu ta ser haci y cu e premio gana no ta yuda den nada. A bira tempo pa premiacionnan cuminsa wordo duna na satisfaccion di e participan-tenan. E lo costa hopi placa pero e placa ey por ser haya tambe



pa premiacion, si sinta delib- era y studia e posibilidadnan existente.

JUVENTUD

Por fin MOMO a pensa bon riba juventud escolar. E aña aki tabata tin problema cu jump up escolar y despues cu el a sigui e no tabata "e cos". Mester bini un eleccion Escolar, concursionan di cancion di camaval pa escolarnan, un camaval escolar.

E prome pasonan a ser haci e aña aki y MOMO por ta sigur di lo por logra esaki cu cooperacion di e entidadnan cu tin di haber cu enseñanza (si ta actividadnan na oranan esco- lar).

DICTATORIALISMO

Pa hopi aña por tende cu SAC ta dicta riba camaval. MOMO ta sconde tras di statuut di SAC, pero esey no mag di stroba oronan. Awor ta mira cu "Carnaval ta di pueblo" manera SAC ta bisa pero SAC mes kier kita e privilegio di pueblo di goza di tentnan. Awor cu e tentnan (di gobierno pa pueblo) a bira popular, SAC a mira manera di saca placa di esaki y kier pa e tentnan cay bao di SAC pa cobra pa uso.

E otro punto ta buffet vergun- ning. Hopi hende ta saca un pida cent durante camaval cu nan bendemento di cuminda etc. buscando nan kavel y per- miso di gobierno, y awor SAC kier kita e privilegio ey tambe, pa SAC SO haya buf- fet vergunning (bao di capa pa yuda gruponan haya fondo) MOMO 94 mester a bisa: "Mi ta sugeri pa e buffetver- gunningnan wordo otorga solamente na gruponan di camaval, pa asina por yuda nan cubri nan gastonan cu e fondonan recauda. E ora ey si ainda por bay di acuerdo, pero no tur di nan bao di maneho di SAC. Cada grupo cu su vergun- ning. Otro aña lo tende cu e WC nan publico (di gobierno pa pueblo) ta asina popular y cu SAC ta sugeri pa nan cay bao di maneho di SAC y cu lo cobra pa uso di nan.

ACTIVIDADNAN

PA FONDONAN

Tempo cu a laga sa cu SAC mester bini cu programanan mas atractivo na lugar di e "conocido fotocopia di tur aña" pa asina haya entrada pa cubri gastonan, por a tende president di SAC bisa: "SAC ta un Stichting y no tey pa gana placa" Awor diripiente SAC kier tur cos bao di su maneho y cu cobramiento (bao di capa di "yuda nos gruponan cu fondo"). MOMO a menciona tambe asunto di kavelnan y pa hisa

prijs y aki tambe MOMO 94 a menciona pa "laga SAC haya loke ta sobra PA REPARTI ENTRE GRU- PONAN cu participa den parada y HISA E COBRO pa haya un kavel". E gruponan aki atrobe ta wordo "usa" (como capa?).

KAVELNAN

Cu mester hisa prijs di Kavel por biba cune, pero si den dif- erente categoria. Categoria Vondellaan (caminda tur ac- tividad di parada ta pasa), categoria Lloyd G Smith Boulevard te cruzada cu Adriaan Lacle Boulevard (caminda parti di e actividad- nan ta pasa), categoria cruzada menciona te cu Bes- tuurskantoor (caminda ainda tin hopi bida di parada y cu ta perde varios actividad) y categoria pabao di Sonesta Hotel (cu ta ultimo paso di parada) cu casi ningun otro actividad.

STEELBANDNAN

E aña aki Weg Fontein Stars steelband bao di nomber di Coastal Steelband, a haci fu- ror atrobe. Por a tende comentarionan di falta di steelband un biaha mas. Nos camaval mester di mas steelband (RIBA PIA). E posibilidad ta den nos man. Mi persona por ehemplo tin hende cla pa siña jovennan toca steelband, siña interesa- donan traha steelband. Ta barinan di bon calidad falta. Companianan cu tin bari dis- ponibel por tuma contacto cu mi persona na DIARIO pa nos por cuminsa traha riba

mas steelband pa futuro. Cu bon colaboracion lo por tin por lo menos 3 mas riba pia den parada otro aña. Tin hendenan cla caba pa viaja otro siman pa Trinidad pa studia e sistemanan mas moderno. Ta cooperacion mester pa nos cuminsa cana.

TURISMO

Turismo ta importante den camaval, pero no tin ningun actividad dedica na nos bishi- tentenan, esta den cual nan por participa durante nan estadia hunto cu nos hende- nan. Mester pensa riba esey tambe. Bunita tabata sinembargo con personal di Radio Carina diadomingo a regala turis- tanan di bapoman un T-shirt durante transmision. Algo cu tur a aprecia masha tanto y a keda sorprendi cune.

Lo tristo tabata cu diadom- ingo anochi yen di turista tabata cana rond buscando cos di come. Nan no sa di prepara bebida y cuminda pa oranan di parada y ta spera cu despues di parada nan por a bay un restaurant pa come tranquil, pero tur restaurant tabata cera. Ni refresqueri- anan habri no por a brinda nan lo minimo na pasaboca mas tampoco.

SAC, ZAK, SAK y S.A.C.

Critica por tin hopi tanto ne- gativo (cu semper ta mas tanto) como positivo. Sinem- bargo mester duna credito toch na Sr. Milo Croes y SAC pa e camaval 40. Tanto cu nos tur a baha riba lomba di Milo, e semper a keda Milo y e re-

lacionnan cu tur bon y tur malo semper a keda mescos entre Milo y tur hende. E mester di un pabien pa e camaval aki. Dede Ruiz y Carmen Loefstok tambe mester di un "pabien pa e trabaonan cu nan a haci e aña aki", natural- mente cu nan colaboradornan rond di nan. Pero con cu mire, no ta SAC ta camaval. Ta e gruponan y nan lidernan cu participan- tenan, e musiconan y e pueblo a traha camaval 40 y cu SAC a bolbe logra un exito v kizas e exito di mas grandi den su historia. Pero cu me- ster di un reorganizacion y reformacion den SAC esey ta keda para ariba aunke tur hende di SAC ta keda surdo pa esey aña aden y aña afo.

EVALUACION

Esaki ta algun comentario riba camaval, y bunita lo ta pa mira e Comision di Bon Vol- untad di aña pasa sinta na mesa atrobe, delibera riba camaval 94, evalua e car- naval, y manda su sugerenc- ianan pa mehoracion aden. Por a ripara un mehoracion "chiquitito" e aña aki danki na e comision aki, y mehora- cion mas grandi lo por bini pa futuro.

Juby Naar.

**NUMBER DI FAX
DI DIARIO
28551**

